

Maat Pita Prabhu Charno Me | By Pt Bihari Lal Pujari |

Maat pita guru prabhu charanon mein pranavat baarambaar,
Hum par kiya bada upkaar, hum par kiya bada upkaar.

Maata ne jo kasht uthaaya, vah rin kabhi naa jaaye chukaaya,
Anguli pakadkar chalna sikhaya, mamta ki di sheetal chhaaya,
Jinki god mein palkar hum, kehlaate hoshiyaar,
Hum par kiya bada upkaar.

Pita ne humko yogy banaya, kama kamakar ann khilaaya,
Padha likha gunvaan banaya, jeevan path par chalna sikhaya,
Jod jod apni sampatti ka, bana diya harkadar,
Hum par kiya bada upkaar.

Tatva gyaan guru ne darshaaya, andhkaar sab door bhagaya,
Hriday mein bhakti deep jalaakar, Hari darshan ka maarg bataya,
Bin swarth hi kripa kare, kitne bade hain udaar,
Hum par kiya bada upkaar.

Prabhu kripa se nar tan paaya, sant milan ka saaj sajaaya,
Bal buddhi aur vidya dekar, sab jeevon mein shreshth banaya,
Jo bhi inki sharan mein aata, kar dete uddhaar,
Hum par kiya bada upkaar.

<https://bhaktivandana.com/lyrics/%e0%a4%ae%e0%a4%be%e0%a4%a4-%e0%a4%aa%e0%a4%bf%e0%a4%a4%e0%a4%be-%e0%a4%97%e0%a5%81%e0%a4%b0%e0%a5%81-%e0%a4%aa%e0%a5%8d%e0%a4%b0%e0%a4%ad%e0%a5%81-%e0%a4%9a%e0%a4%b0%e0%a4%a3%e0%a5%8b%e0%a4%82/>